

რა არის პოპერსი?

მას შეიკუთვნება სწრაფად მოქმედი ამილ- და იზობუტილ-პრეპარატები, რომელთა შორის ყველაზე გავრცელებულია ამილნიტრიტი. პოპერსს, რომელიც ოთახის ტემპერატურაზე ორთქლდება, ყნოსავენ. “კაიფი” სულ რამდენიმე წუთი გრძელდება. აქდან მოდის მისი სახელწოდებაც.

არსებობის ფორმები

- იგი პატარა ბოთლებში ჩასხმული მოოქროსფრო სითხეა, რომელსაც ბოთლიდან ან ნაჭრიდან შეიყნოსავენ
- ახალ პოპერსს აქვს ტკბილი, ხილის სუნი, ხოლო დაყენებულ ქიმიურ ნაერთს კი ჭუჭყიანი წინდების სუნი აქვს.

პოპერსის ზემოქმედება

პოპერსის ზემოქმედებას შეყნოსვისთანავე გრძნობ, მაგრამ ეს დიდხანს არ გრძელდება

- გრძნობ ენერჯის მოზღვაგებას და გულისცემის ინქარებას
- დასაწყისში თავს გრძნობ მსუბუქად, არტერიული წნევა ეცემა. ხარ მთვრალივით, კარგავ წონასწორობას და შეიძლება გულიც წაგივიდეს
- გაქვს ისეთი შეგრძნება, თითქოს დრო ძალიან ხელა გადის
- სექსუალური ტემპერამენტი ქვეითდება, მაგრამ შესაძლებელია გქონდეს შეგრძნება, რომ აგზნებული ხარ.

რატომ არ შეიძლება მოეწონოს პოპერსი ადამიანს?

პოპერსის მიღებას ყოველთვის თან ახლავს გულისრევა, თავბრუსხვევა და ფეთქვითი თავის ტკივილი

სამართლებრივი მდგომარეობა

პოპერსი ექვემდებარება კანონს. მისი არც თავისუფლად გაყიდვა და არც გავრცელება არ შეიძლება.



რისკი !!!

- გარდა ზემოთაღნიშნული ეფექტებისა, შესაძლებელია გამოვლინდეს:
- ამილნიტრიტი სისხლის მიმოქცევას აჩქარებს და სისხლის წნევას აქვეითებს, ადამიანს შეიძლება შეეკმნას პრობლემები გულთან დაკავშირებით და დაბალი წნევის გამო.
 - სისტემატური გამოყენება იწვევს ცნვირისა და პირის ღრუს პრობლემებს
 - ნიტრიტები იწვევს კანის დამწვრობას ან წყლიანი ბუშტუკების გაჩენას კანის ზედაპირზე
 - შესუნთქვა ზრდის თვალისშიდა წნევას. თვალის დაავადებების დროს ეს ძალზე საშიშია
 - მომატებული სექსუალური აგზნება და დაქვეითებული ტემპერატორი საშიში კომბინაციაა, რაც უსაფრთხო სექსს ავიწყებს ადამიანს და შეიძლება უამრავი გადამდები დაავადებით ინფიცირების საშიში გახდეს.



იყავი ფრთხილად!

- ნუ დაამატებ მიღებულ დოზას. შენ უფრო ცუდად იგრძნობ თავს და შემდგომი გართულებების ალბათობა უფრო დიდი იქნება
- ნუ შეურევ პოპერსს სხვა ნარკოტიკულ საშუალებებს
- ნუ მიიღებ ალკოჰოლს პოპერსთან ერთად

თუ რაიმე პრობლემები შეგეკმნა

დამწვრობა - თუ ნიტრიტმა კანი დაგიწვა, 20 წუთი მაინც შეუშვირე დამწვარი ადგილი ცივ წყალს.

მოწამვლა - თუ შენმა მეგობარმა პოპერსი გადაყლაპა, **დაურეკე სასწრაფოს!** თუ მას გონება არ დაუკარგავს, დააღვინე წყალი. ეცადე, რომ მას გული აერიოს.

გულის წასვლა - თუ შენს მეგობარს გული წაუვიდა, იგი დააწვინე და ფეხები მაღლა აუწიე. დააღვინე მას ცოტა წყალი. უცბად ნუ წამოაყენებ.

ცნობიერების დაკარგვა - თუ შენი მეგობარი სუნთქავს, დააწვინე ისე, როგორც ეს 134 გვ-ზეა ნაჩვენები.

დაურეკე სასწრაფოს. აუცილებლად უთხარი ექიმს, რა მიიღო შენმა მეგობარმა. მხოლოდ ამას შეუძლია მისი სიცოცხლის გადარჩენა.

- იყავი მზად, დახმარება გაუწიო შენს მეგობარს, თუ მან სუნთქვა შეწყვიტა (ინ. გვ. 135).
- თუ შენს მეგობარს გული წაუვიდა, მიაქციე ყურადღება მისი სუნთქვის რითმს.